

金

石

萃

編

金石萃編卷一百十八

賜進士出身 諾授光祿大夫刑部右侍郎加七級王昶撰

唐 七十八

萬壽寺記

石高二尺二寸八分廣一尺二寸八分十五行行二十九字正書在岐州

大唐萬壽寺記

刺史柳玘撰

漢長安城本秦離宮也高帝七年長樂宮成自櫟陽徙部之惠帝視其窄狹乃發長安六百里內男女十四萬六千人及諸侯王列侯徒隸二萬人城長安成賜民爵

戶一級長安城方三十里內地九百七十二頃八街九陌九市周回六十五里十二城門皆有侯蕭望之爲東門侯東有三門一宣平門外郭東都門一清明門外郭東平門一朔城門外郭青門朔城門外一里許有萬壽寺爲萬壽寺本梁太尉吳王蕭岑宅隋開皇四年文帝爲沙門曇延立爲延興寺東院葛公蕭琮之堂隋亡捨入寺 神龍中中宗爲永泰公主追福改爲永泰寺大中六年請改名僧寺五所化度寺改爲崇福寺永泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺而寺各異其類也然萬壽一寺

宣帝親幸賜額命官造理殿宇廊廡方丈山門共一百九十七間左右院林二所香地二頃六十餘畝石佛一尊娑羅樹六楸勅度一百二十僧受牒免差入寺焚修祝延聖壽後淨查住持能守清規迥出於衆慎寺年久莫識其端請余爲記俾後人有所據云

景福元年八月一日

按記爲刺史柳玘撰新唐書柳玘傳玘仲郢第四子官至御史大夫昭宗欲倚以相中官譖玘煩碎非廊廟器乃止坐事貶瀘州刺史卒則其撰此碑距卒年不遠矣碑但署刺史而不言瀘州者何也

記云漢長安城本秦離宮也高帝七年長樂宮成
自櫟陽徙都之漢書高帝紀七年二月至長安蓋
何治未央宮立東闕北闕前殿武庫大倉上自櫟
陽徙都長安未央宮碑作長樂宮者本史記語也
記又云惠帝視其窄狹發長安男女城長安云云
語亦見漢書惠帝紀五年春正月復發長安六百
里內男女十四萬五千人城長安三十日罷碑不
肯三十日罷而以五千作六千則異也長安志秦
孝公始都咸陽及并天下置內史以領關中項籍
滅秦分其地爲三封章邯爲雍王都廢邱司馬欣

爲蹇王都樾陽董翳爲翟王都高奴高祖五年在
洛陽從婁敬說始都之此語又與漢書小異又據
西京雜記曰未央宮周匝二十二里九十五步街
道周四十七里潘岳關中記未央宮周旋三十一
里街道十七里諸說又與碑不同碑稱霸城門外
一里許有萬壽寺檢陝西通志載此寺語與碑同
而云寺有劉批撰記誤以柳玘作劉批也碑又云
改僧寺名化度寺改崇福寺溫國寺改崇聖寺經
行寺改龍興寺奉恩寺改興福寺今通志所載洪
福寺舊在西關貞觀間太宗爲穆王后追福立爲

宏福寺神龍間改爲興福寺溫國寺在城南四十

里隋名寶際寺開元十五年改爲溫國寺

不云改崇聖寺

頌政坊龍興寺貞觀五年太子承乾立

不云經寺改名

崇福寺在城東北五十里宣義里則天后建時

經多于寺

不云化度寺改

此所載不知卽碑所稱各寺否

也碑云萬壽一寺宣帝親幸賜額此宣帝謂宣宗

也

憫忠寺重藏舍利記

石橫廣四尺高二尺一分四十一行行二十一
字至二十三字不等正書在順天府憫忠寺

重藏舍利記

口街內嚴講論兼施 制大德沙門南敘述

僧知常書

茲舍利者昔隋文帝潛龍日有梵僧自印土至授舍利一瓶曰此釋迦佛遺形耳檀越可爲主洎登寶位年號開皇至廿年改仁壽至仁壽二年壬戌正月勅天下六州一百處口舍利塔時幽州節制竇抗創造五層大志塔飾以金碧屬舍利於其下至 大唐文宗皇帝大

和八年甲寅經二百卅三年天火焚塔迹後五六年門

武皇選口釋教至 宣宗初登寶位歲在丙寅

勅修廢藍將興畚口得石函於故基下時 旌旆踐

河公曉示人天專令供施遷藏於憫忠寺多寶塔下復
經冊三載中和口年歲在壬寅又值火災延憫忠寺樓
臺俱燼旋遇燕口淘汰空侶不暮年

隴西令公大王大庇生靈巨崇像設捨己祿俸造觀音
閣橫壯妙麗逾於舊貫寺僧復嚴陳力化導塑觀音像
當景福壬子年僉欲遷舍利於閣內乃陳辭上瀆

請發封壤

上許之卽是年六月徒侶雲萃各竭其

誠塵盪曜靈香空人手未淹食頃俄逢巨函縫印香泥
記鐫貞石繇是撤其葦發其絨舍利光芒異香郁裂鈔
錄狀捧金函詣子東門上獻

旌幢中權後營皆

澡口沐心通霄瞻禮重沓餽施復還本寺顯示城隍道
俗口黃金瓶如麩麥量內藏一粒仁壽舍利也二粒在
塔口內又二粒在小金合子內又九十粒如銀粟狀在
琉璃餅內玉環二髮七綜金銅棺槨異香釵訓等今又
有二粒舍利光彩甚瑩在銀結襍琉璃餅內卽故臨壇
大德明鑒平昔隨身供養臨終授弟子猶忍今同收函
內別夫睚日久歿遺形尙留爲福人天堅固不壞幸遇
王臣信重正法興隆同於寶坊載祀金骨而今
而後何年更逢匪獨人心澆醜抑亦時侵末法重閱于
此觀音象前谷變陵摧猶懸刊石記曰

大燕城內 地東南隅 有憫忠寺 門臨康衢 中
有寶閣 橫雲業虛 閣有巨象 觀音聖軀 當象
之前 緘于舍利 外石函封 內金函闕 填以異
香 雜以瓊器 用記歲年 景福王子

葬舍利僧復嚴

景福元年十二月十八日記僧守因鑄
寺衆僧等

□□□濟 念誦大德義氣 律大德公弁 律大
德宏紹 僧宗楚 僧鴻微 僧行信 僧行約
僧口奉 僧元之 僧元爽 僧思賢 □□□

僧慶資 僧公信 僧可誠 僧□□

上座僧般裕 都維那僧□誠

舍利塔一幡於大和八年一燼於中和二年至是僧復嚴葬舍利於憫忠寺觀音像前碑中所云隴西令公大王者李匡威也匡威欲遷舍利於閭內至拜疏於朝請發封壤詔可而後行當時崇重法寶如是石

文字記

右唐景福元年僧復嚴葬舍利于憫忠寺是歲李克用王處存合兵攻王鎔李匡威救之有詔和解河東及鎮定幽四鎮碑稱欲遷舍利于閭內陳辭請發封

壤上許之蓋匡威方恃燕薊勁旅有雄天下意宜有
請無不許者碑文侈陳發緘時舍利光芒異香郁烈
外石函封內金函闕其崇奉像教至矣迨明年匡威
復出師救銘其弟匡儔據軍府自稱留後匡威進退
無所之銘迎于鎮登城西大悲浮圖顧望流涕未幾
以圖銘見殺今匡威所建之閣遺跡已不可問其碑
僅存已踣佛脚俾工拽而出之揭以藏諸筭塚清亭集
右碑題云唐重藏舍利記按此卽前會昌六年重藏
之舍利而遷于閣內也閣舍利爲高僧茶毘後所遺
光彩燦耀其實如石崇禎末先大夫覲阿育王舍利

其色微黃大如小豆客皆稱賀蓋舍利神異各隨其人之福量而爲之大小紅白無一定之形色先兄亦至阿育王寺觀舍利色微暈而卒于亂中先大夫年八十有六無病預知時至坐而遷化亦足見其神異

已

金石錄補

碑云隴西令公大王者朱錫也以爲李匡威以予攷之匡威之立在光啓二年八月歲在丙午而碑稱中和二年歲在壬寅值火災延憫忠寺樓臺俱燼又云不基年隴西令公大王舍俸造觀音閣則造閣之時匡威尙未建節所云令公者當是李可舉耳唐書藩

鎮傳載可舉所授官甚略其稱令公而封王爵史未
之及也可舉以光啓元年乙巳被殺李全忠代之明
年全忠卒子匡威爲畱後距壬寅已四年餘矣不當
云未暮年也碑于大唐文宗及武皇及宣宗及上皆
空二格其云旌麾清河公者張仲武也亦空二格書
之獨于隴西令公跳行書之當時河朔之俗知有節
使不知有天子久矣其云大燕者沿安史之僭稱也

潘研堂金
石文跋尾

吳承泌墓誌

癸本石高廣行字皆
不計行書在咸寧縣

大唐故內樞密使特進左領軍衛上將軍知內侍省事
上國柱牒陽郡□□侯食邑一千戶食實封一百戶吳

公墓誌

并序

翰林學士朝議郎守尚書司封郎中知制誥柱國

賜紫金魚袋裴廷裕撰

翰林待詔朝散大夫檢校右散騎常侍守蜀□傳□
御史大夫柱國賜紫金魚袋□□書

昔周文以聖德受命太伯以□仁□王錫封于吳因國
□氏公□□泌字希白卽裔孫也曾祖□□贈金紫光
祿大夫內給事祖德□□□□□□上將軍□□□

宣□□朝□□特異出則縮兵符而臨巨鎮入則□□
□以□□□□宗皇帝將奉□丞□□公時
爲弓箭庫使送□□□□居□□□□□□□□
□□細之恃皆叅□□□金□贈朝散大夫內侍省內
侍□公則□子之□□□王□□□天仙河中府軍車
次河北傳檄諸道□□□之歲穎悟過人□始□經□
□□成□□□□足用□□乃□於書淫百氏九隆
□遇□□□破曹劉之堅□□光未仕流無不□博而
又□高作賦納□□之□甚高名學□王右軍妙傳其
法受□□處士□□其師□韓□府□擇賓□□□□

□庚元□之招殷浩□鎮西之辟袁宏千載論交一□
□美乎□□昇之□□

□□皇帝以郇瑕

之封堯□遺利命□公以本官充解□□□□□□
□如夏日洞察秋毫每□□嵩之□□□□之威潔
白無玷課取有聞搜考句□□□黠史青□赤欣充於
□衡以叨賜

□解□□使□屬□河失守盜

賊驚奔□□□□金根去□□三□□公
則以□□□中人□度清□穉□夜真風塵外物超
庭□期□□國遂與易定節度使王處存同天子蒙塵
之□責官司□□□□□兵一万屯東渭橋□□

公奔赴

行口口奏奉

先口口其忠口錫口

金章依前充口縣推稅使口口口口榮青口口口

口口伍口口公復歸

朝闕後改充南詔禮口副使

以口不行中和三年充許蔡通和口口口下齊之口口

優方口集事吠口之犬正衆不克前院彬彬口復章

綏等口疑地未辨口証

朝廷口之口口金口

先帝幸口口口口搜訪口能召口口公充西口方口

口口口切口口夫樂林園之趣馬相如彈口之地揚執

戰草履之幸自有高情寧口口爵 帝口口口請便

充口川宣口使不口

閱者數歲

聖上虔

常切致

君大用口辰納忠不一其他扼制口務口

精百司口口口書口口口口乾寧二年春正月二十日

薨于口水年四十五

君命也冬十月一日

上

示中書門口許口口公昭雪十一月二十日

于京北府萬口縣漣川鄉北姚村禮口長男修口次男

修皆南遷未復小男修口口口口公之季知象猶子如

已以書宮門口請銘于裴廷裕時爲口口口口口口口

論思之地枚馬口草之司口口口公以精識下

泗磬豐鍾

其聲不羣

鸞翎鳳翼

其口

口口

公之苦學

公之好文

果於盛日

口匡

明君

一言闕百闕道闕是忠骨

藏之下泉

口祐

家國闕

翰林待詔正口大夫檢校右散騎常侍闕

御史大夫柱國賜紫金魚袋董瓌

按吳承泌是內官兩唐書無傳撰人裴廷裕僅見

全唐詩小傳云廷裕字膺餘昭宗時翰林學士左

散騎常侍後貶湖南卒而不詳其里貫其詩有蜀

中登第荅李搏云何勞問我成都事又高捲絳紗

楊氏宅自註云時主文寓楊子巷則是蜀人也其

歷官惟翰林學士與此誌結銜合餘俱互異也書

者不見其姓名寰宇訪碑錄謂是閩湘書當必有據也誌云遂與易定節度使王處存同天子蒙塵之口口兵一万屯東渭橋云云此是中和元年四月事舊書王處存傳涇原行軍唐宏夫敗賊將林言尙讓軍垂勝進偪京師處存自渭北親選驍卒五千皆以白繻爲號夜入京城卽其事也誌云後改充南詔禮口副使以口不行新書南詔傳中和元年遣使者來迎公主帝以方議車服爲解後二年又遣布變楊奇肱來迎詔檢校國子祭酒張醮爲禮會五禮使徐雲虔副之亦卽此事也疑誌所

泐字乃禮會副使以疾不行因別遣徐雲處也中
和三年充許蔡通和口昭宗本紀是年十一月蔡
賊秦宗權圍許州十二月詔河東李克用赴援時
蔡州秦宗權許州周岌構兵故昭宗遣使通和也
誌云葬于漣川鄉北姚村此古村名可補長安志
所未備

賜錢鏐鐵券

鐫鐵嵌金文二十六行行
十四字正書在臨海縣

維乾寧四年歲次丁巳八月甲辰朔四日丁未皇帝若
曰咨爾鎮海鎮東等軍節度浙江東西等道觀察處置

營田招討等使兼兩浙鹽鐵制置發運等使開府儀同
三司檢校太尉兼中書令使持節潤越等州諸軍事兼
潤越等州刺史上柱國彭城郡王食邑五千戶食實封
壹百戶錢鏐朕聞銘鄧隲之勲言垂漢典載孔悝之德
事美魯經則知褒德策勲古今一致頃者董昌僭偽爲
昏鏡水狂謀惡貫染齊人而爾披攘兇渠盪定江表
忠以衛社稷惠以福生靈其機也氛祲清其化也
疲羸泰拯於粵於塗炭之上師無私焉保錢塘成金湯
之固政有經矣志獎王室績冠侯藩溢於旂常流在丹
素雖鍾繇刊五熟之釜實憲勒燕然之山未足顧功抑

有異數是用錫其金板申以誓詞長河有侶帶之期秦
華有如拳之日維我念功之旨永將延祚子孫使卿長
襲寵榮克保富貴卿恕九死子孫三死或犯常刑有司
不得加責承我信誓往維欽哉宜付史館頒示天下

中書侍郎兼戶部尚書平章事

臣崔彥宣奉

附謝表

恩旨賜臣金書鍊券一道臣恕九死子孫三死者出
于睿眷形此綸言錄臣以絲髮之勞錫臣以山河之
誓鑄金作字指日成文震動神祇飛揚肝膽伏念臣
爰從筮仕逮及秉麾每自揣量是何叨忝所以行如

履薄動若持盈惟憂福過禍生敢忘慎初護末豈期
此志上感宸聰憂臣以處極多危慮臣以防微不至
遂聞聖澤永保私門屈以常刑宥其必死雖君親屬
念皆云必恕必容而臣子爲心豈敢傷慈傷愛謹當
日慎一日戒子戒孫不敢因此而累恩不敢乘此而
賈禍聖主萬歲愚臣一心臣鏐誠惶誠恐稽首頓首
游按唐昭宗乾寧四年遣中使焦楚錙賜吳越武肅
王鏐券以八月壬子至國是歲武肅始兼領鎮東節
鉞出師大敗淮南兵十八營定婺睦蘇湖等州而鏐
券適至蓋其國始盛時也及忠懿王入廟以其先王

所藏玉冊鏡券置之祖廟不以自隨淳化元年杭州
守臣以鐵券竹冊玉冊并詔誥等悉上之于朝時忠
懿王已薨太宗皇帝復以冊券賜王之子安僖王惟
潛安僖王薨券歸文僖公惟演文僖公薨券傳仲子
霸州防禦使晦霸州侍仁宗皇帝燕閒帝問先世所
賜鏡券欲見之霸州并三朝御書以進帝爲親識御
書之末復賜焉文僖之孫開府公景璣尙秦魯國大
長公主游年十二三時嘗侍先太夫人得謁見大公
主鏡券實藏卧內狀如篋瓦今七十餘年乃得見錄
本于武肅諸孫懋家後十字蓋文僖手書游家舊藏

文僖書帖亦有押字皆與此同武勝軍節度使印則

文僖尹洛時所領鄧州節鉞也

放翁文集

吾鄉錢叔琛氏贊乃武肅王之諸孫也其家在郡城外東北隅亭臺沼沚聯絡映帶猶是先朝賜第與余相友善嘗出示所藏錢券形宛如瓦高尺餘濶二尺許券詞黃金商嵌一角有斧痕蓋至元丙子天兵南下時其家人竊負以逃而死于難券亦莫知所在越再丙子漁者偶網得之乃在黃岩州南地名潭庫深水內漁意寶物試以斧擊之則錢焉因棄諸幽一邨學究與漁鄰頗聞賜券之說買以錢價然二人皆不

悟其字乃金也有報于叔琛之兄者用十斛穀易得青璫復還誠爲異事時余就錄券詞一通叔琛又出武肅當日謝表稿併錄之昨晚檢閱經笥偶得于故紙中轉首已三十餘年矣人生能幾何哉漫志于此按史唐僖宗乾符五年王仙芝餘黨曹師雄寇掠二浙杭州募兵使石鏡都將董昌等以討之臨安人錢鏐以驍勇事昌爲兵馬使中和元年昌爲杭州刺史光啓二年昌謂鏐曰汝能取越州吾以杭投汝鏐攻克之昌遂徙越以鏐知杭州事三年昌爲越州觀察使鏐爲杭州刺史昭宗景福元年爲威勝軍防禦使

二年爲鎮海節度使乾寧二年昌僭號鏐遺書曰與其關門作天子與九族百姓俱陷塗炭豈若開門作節度使終身富貴邪昌不聽鏐以狀聞削奪昌官爵委鏐討之三年昌伏誅鏐令吏民上表請兼領浙東朝廷不得已以爲鎮海鎮東節度使改威勝曰鎮海天復二年進爵越王天祐元年更封吳王梁太祖開平九年以爲吳越王乾化二年加尙父末帝貞明二年以爲諸邑兵馬元帥二年以爲天下兵馬元帥龍德三年以爲吳越王鏐始建國儀衛名稱多如天子之制惟不改元置百官有丞相侍郎客省等使唐明

宗天成四年削鏐官爵初鏐嘗遣安重誨書詞禮甚
倨及朝廷遣奉使烏昭遇韓玟使鏐還玟奏昭遇見
鏐稱臣拜舞重誨奏賜昭遇死鏐以太師致仕自餘
官爵皆削之長興二年鏐卒鏐寢疾出印綬授子元
瓘曰子孫善事中國勿以易姓廢事大之禮卒年八
十一史稱乾寧三年秋九月以鏐爲鎮海鎮東節度
使而券詞乃四年秋八月何邪史稱儀衛名稱如天
子之制惟不改元程大昌演繁露云寶正六年歲在
辛卯見封塔星石制書辛卯乃唐明宗長興二年寶
大元年羅隱新城縣記云癸未歲癸未乃唐莊宗同

光元年以此知吳越雖稟中原正朔既長興同光年號與其寶正寶大同歲而名不同知吳越自嘗改元審矣又僧文瑩湘山野錄云唐昭宗以錢武肅王平董昌拜爲鎮海鎮東節度使中書令賜鐵券羅隱爲謨謝表迨莊宗入洛又遣使貢奉懇請玉冊金券有司定議非天子不得用後竟賜之鏐卽以節鉞授其子元瓘自稱吳越國王名其居曰殿官屬悉稱臣又于衣錦軍大建玉冊金券詔書三樓遣使冊東夷諸國封拜其君長幾極其勢與向之謝表所陳處極防微果恩賈禍之誠殊相反矣禪月贊休嘗以詩投之

有滿堂花醉三千客一劍霜寒十四州之句鏤愛其
詩遣客吏諭之曰教和尚改十四爲四十方與見休
性福介謂吏曰州亦難添詩亦不改然閑雲野雀何
天而不飛邪遂飄然入蜀鏤後果爲安重誨奏削王
爵以太師致仕重誨死明宗乃復鏤爵位錢受徵異
越備史鐵券考鐵券之制其形如瓦方廣約一尺五
寸許蓋鏤鐵而成又鏤金其上者也唐昭宗乾寧四
年八月遣使焦楚鎧賁券以賜彭城郡王鏤券文三
百三十三字晶光閃爍天語溫純積而藏之家庶久
矣宋太宗淳化元年杭州守臣以前券及竹冊玉冊

各三副詔誥百餘函進呈詔賜還忠懿王嗣子惟濟收貯比仁宗登極朔州防禦使晦侍燕閒及鐵券進呈錄本及先朝御書元豐四年特令朝奉大夫權知開封府事藻進呈鐵券仍降付本家永傳後裔宋末元兵破台城沉之深水中者五十六年至順二年漁人獲而售之宗人世珪家國朝洪武二年太祖大封功臣下禮官議鐵券制學士危素奏唐和陵時賜武肅鐵券見在上遣使卽家訪焉世珪子尙德奉詔參及五王遺像以進上御外朝與宣國公李善長等觀之賜宴中書省命鑲木爲式給還券像二十一年孫

克邦以大臣薦赴闕吏部引見因以錢氏納土至今
子孫尙存論北方歸降者已見東宮殿下亦問到今
幾代除授江西建昌府知府二十三年卒于官都察
院查勘任內稅糧鈔到京子汝賢供係吳越王嫡
派有鐵券爲照本院官引見蒙聖旨着孩子擁前來
送於奉天殿丹陛前欽奉玉音云五代時天下大亂
各據偏方爾祖能使兩浙之民不識兵革到宋朝來
知道宋太祖是箇真主便將土地歸附參與你保守
田產家財都給還一時縉紳士夫爭爲詩文贈送歸
台州卽今藏於宗子鳳墀家雖券文稍有剝落而千

百年故物世守弗墜云

陶宗儀
輟耕錄

吳越武肅王錢鏐唐昭宗乾寧四年賜鐵券其事史
載頗詳宋末兵亂券沒水凡五十六年爲漁者所獲
其十四世孫世珪始購得之時元至順二年推券之
失當是景炎元年也明洪武二年上將封勳夢之臣
遣使者訪其家尙德負券及五王像來詣闕下上特
御朝與羣臣共觀命工仿其制不盡肖上乃還券禮
遣東歸其後台州亂其二十五世孫珍負積匿山中
乃免辛卯四月于遊台州與顧子赤方得其觀券券
字金色爛然因沒水久後半多剝蝕獨首行朔字爲

明高皇帝引佩刀剔去以觀刻畫之深淺者世守垂
八百年失而復得豈非鬼物護持之力哉

陶徵鐵券詩序

謹按鐵券之制其形如瓦長一尺八寸三分濶一尺
一寸厚一分五釐重一百三十二兩文三百三十三
字其畫皆外狹中寬晶光閃鑠詞語溫純忠懿王入
朝詔賜藏之汴京昭化坊賜第神宗時駙馬都尉景
尙主宗器屬焉券遂安于都尉之第靖康元年金人
入寇詔公主于榮國公忱奉母出居于江南以券行
因避地湖湘間紹興元年遷台高宗遂卽台城崇和
門內賜公主第由是券世藏於台之美德坊德祐二

年內子元兵南下破台時其家人竊負以逃莫知所
在迨至順二年辛未漁者偶網得之宗子叔琛之兄
世珪用十斛穀易得之明太祖洪武二年其十五世
孫尙德字允一號存齋天台人元末官青田教諭寶
寶藏之尙德者卽世珪子也奉詔以進陛辭日命還
券像劉基宋濂王禕等咸贈以詩永樂五年正月差
行人曹閏馳驛至台十七世孫廣西叅政汝性同行
人奉券進呈覽畢以禮敦遣藏于宗子風墀家前後
數百年中其間或顯或晦皆若先靈式憑台郡邑志
俱以是券爲古蹟名甫少時卽嘗觀表忠譜畧知始

末今幸恭逢

聖駕南巡其裔孫嘉禾尚書陳羣率台族子選等進呈御製歌詩垂訓萬古是券遭遇夫豈鼎彝敦貞徒以世遠得名者所可比並也哉

齊召南鐵券攷

唐昭宗賜吳越王錢鏐鐵券計三百三十二字字畫全者一百四十七第十四行社稷自起一行書之第十九行未足頌功諸書皆作顯功此字尚宜審也鏐景福二年拜潤州刺史故云潤越等州十國春秋較耕錄諸書作閩越者誤也陶宗儀又謂鏐拜鎮海鎮東節度使在乾寧三年九月而以券詞四年八月爲

疑然鏐拜爵後至次年始賜券自是兩事無足疑者
鏐之稱天寶元年在唐天祐五年戊辰而較耕錄亦
未之詳考也

翁方綱跋

舊唐書昭宗紀乾寧四年九月癸酉朔制以鎮海軍
節度使錢鏐爲鎮海軍節度浙江東西道觀察處置
等使杭州越州刺史上柱國吳王攷其時鏐實兼鎮
海鎮東兩鎮而紀祇書鎮海軍所領者潤州刺史而

紀書杭州皆其脫誤

潘研堂金石文跋尾

王審知德政碑

碑高一丈六尺九寸廣七尺三寸
三行行八十一字正書在閩縣

大唐威武軍節度福建管内觀察處置三司發運等使
特進揀校太保同中書門下平章事使持節都督福州
諸軍事兼福州刺史上柱國瑯琊郡王食邑口口戶食
實封壹伯戶王審知

德政碑銘

并序

銀青光祿大夫行尚書禮部侍郎上柱國臣于兢奉

勅撰

粵自範金合土之制雲師火紀之名禹別九州堯咨四
岳莫不束求良輔偃濟兆人彰克勒克儉之能垂可久
可大之業嗣太叔寬猛之政循仲尼富庶之言旣茂勳

勞宜標篆刻公名審知姓王氏瑯琊人也其胙土命氏

疏源演派代濟其美史不絕書後以大祖就祿光州因

家于是郡焉

合

祖友

贈光祿卿王父蘊玉

贈秘書

少監父恁

贈光州刺史繼贈太尉公卽太尉之季子

也初公兄潮志尙謙恭譽滿鄉曲善於和衆士多歸之

福建節度使陳巖旣薨其名又以所屬泉州求牧乃遣

禮而請之及到任頗著嘉聲後巖在軍病甚不能視事

軍士等懼無統御皆願有所依從衆牧遂以郡委於仲

弟審邽而與公皆赴至則積惡者屏去爲善者獲安因

詔授節度使累加檢校右僕射於是刻其亂弊整其

章係三軍無譁萬姓有奉乾寧三年僕射避疾且付公
以戎旅仍具表

奏尋加刑部尚書成武軍節度使公器局端雅
議理融明真嵩嶂之真精得圮橋之妙略及膺

帝命竈陟齋壇細柳連營旌旗動色蒲盧葢政草樹逢
春一年而足食足兵再歲而知禮知義方隅之內仰止
攸同

以運屬艱虞人懼昏墊農夫釋耒工女下機公
既統藩垣勵精爲理強者抑而弱者撫老者安而少者
懷使之以時齊之以禮故得汚萊盡闢雞犬相聞時和
年豐家給人足版圖旣倍并賦孔殷處以由庚取之盡

徹夫述職之道宜貢爲先九丘爰序於厥苞伍伯是徵
於縮酒雖旬服之近江漢之中或遇阻艱亦絕輪賦唯
公益堅尊獎慎守規程松栢後凋風雨如晦地征旁午
天庫充盈其仰勤劬咸知圭戴常以學校之設是爲教
化之源乃令誘掖童蒙興行敬讓幼已佩於師訓長皆
寘於國庠俊造相望廉秀特盛閩川以南地惟設險人
尙爭雄或因饑饉荐臻或以刻剝爲苦藜藿易聚集穴
難探公感之以恩綬之以德且曰吏實爲虐爾復何辜
示以寬仁俾之柔服遂數十年之氛祲遽致廓清一千
里之封疆旋觀昭泰張綱以

單車

入學虞詡用絳纒擒

好以古况今彼猶懷愧爰自天寶艱難之後經費定繁
聚斂之臣名額滋廣卽山鳩利任土庀財或設隄防頗
聞矚矚泊輿烽遂仍患崎嶇三司之職務空存四海之
輪蹄鮮至公按其程課令以權衡盡叶舊規尤彰宏業
而又奉大雄之教崇上善之因象法重興道師如在虹
梁雕栱重新切利之宮鈿軸牙籤更演毗尼之藏而又
盛興寶塔多捨淨財日麗飛甍霞攢綵檻頽豔迴向遠
還歸依用俾群緣皆同妙果佛齊國雖同臨照靡襲村
裝舟車罕通賕賈獻口者亦踰滄海來集鴻臚此乃
公示以中孚致其內附雖云異類亦慕華風宛土

龍媒寧獨稱於往史條支雀卵諒可繼於前聞自煨爇

西秦煙飛東觀魯壁之遺編莫

抹周

陔之墜簡寧存丞

命訪尋精於繕寫遠貢劉歆之閣不假陳農之求次第

鏡題森羅卷軸夫四隣其守葢當偃草之期七德方修

必假禦衝之備是以恢張制度固護之局程功而莫匪

子來作事而適當農

隙立崇

墉之百雉表巨屏於一方

巖色

湯池曾何足數折筋縈帶固不可憑未若暫勞致

茲永逸兵戈荐起帑庾多虛凡列土壘悉重征稅商旅

以之而壅滯工賈以之而殫貧公則盡去繁苛縱其交

易開護郵市

匪絕

往來衡麓

舟

斂皆除守禦故得填郊

溢郭孽敷摩肩竟敦廉讓之風驟觀樂康之俗罔越之
境江海通津帆檣蕩漾以隨波篙楫崩騰而激水途經
巨浸山号黃崎怪石驚濤覆舟害物公乃具馨香黍稷
薦祝神祇有威必通其應如響祭罷一夕震雷暴雨若
有真助達旦則移其艱險別注平流雖壺鷁爭馳而長
鯨弭浪遠近聞而異之

優詔獎飾仍以公之德

化所及賜名其水爲甘棠港神曰顯靈侯與夫召神人

以鞭石驅力士以鑿山不同年而語矣於戲辨貞金於
大冶認勁草於疾風不有良田誰康澤國尋就加平章
事檢校右僕射如故壽懸相印手握兵符益壯軍聲亦

新

殊渥又改光祿大夫檢校司空轉特進檢校司徒然而物議與詞功厚賞薄以爲爵祿未稱疇庸於是異姓分封仍加井邑轉檢校太保瑯琊郡王食邑四千戶食實封壹伯戶公之仲兄審邦自守泉郡一紀于茲黠馬皆謂疲人盡泰公性惟雅睡氣稟溫和韻契墳彛政侔魯衛可謂高明輝映超絕一時者也公以

天下兵

馬元帥太尉中書令梁王勳格穹昊德服華

夷奉大國之歡盟爲列藩之表準今節度都押衙程贊及軍州將吏百姓耆者等久懷化育願紀功庸列狀

上聞請議刊勒

元帥梁王以公如河蕃著

口石情堅累貢表章顯陳保

詔

朝廷冀慰誘勸

特示褒揚將建龜趺合徵鴻藻筑謬居情列會乏雄文
頃歲嘗詠皇華往宣

宸旨已於視聽親飲徵猷

今之執簡濡毫得以研精覃思備陳懿績實無愧詞乃
作銘曰

日月麗天 舟楫濟川 內外克乂 股肱惟賢 淮

水長清 緱嶺方寧 慶隨祚遠 材爲時生 伯氏

雄特 泉人仰德 求瘼斯勤 頌條有則 冠軍被

疾 付以師律 政教翕張 士庶寧謐 懿彼閩越

師實英傑 地列周封 心馳魏闕 聖澤汪洋

元戎啓行 有典有則 爲龍爲光 高懸素鏡

理道自靜 比屋懷仁 連營稟令 航海梯山 貢

奉循環 務其輪委 無憚險艱 周征之術 公田

什一 約以有程 守而勿失 輕徭薄賦 謳歌載

路 高掩龔黃 遐追邵杜 鄉校皆遊 童蒙來求

雅道靡靡 儒風優優 惟虺吹毒 久依山谷

岡恣陸梁 竟欣柔服 法竇荒宇 勝因所主 崇

構斯精 福慶攸聚 佛齊之國 綏之以德 架浪

自東 驟山拱北 墜簡遺編 繕寫精研 麟臺盛

口 武觀森然 春鏞其勤 雉堞連雲 永制不敵

用壯我軍 關譏不稅 水陸無滯 送還懷來

商旅相繼 黃崎之勞 神改驚濤 役屢羸力 保

千萬艘 劉驥荀龍 填虜雍雍 惟邦惟翰 以侯

以公 元帥梁王 武步龍驤 挺彼七德 削平四

方 公能事大 推心斯在 風雨無渝 歲暮不改

殊勲茂績 盡瘁宣力 國之丹青 邦之柱石

位冠台鼎 任隆兵柄 重以徵章 寵分異姓 優

詔銘功 万古英風 貞退是勳 垂之無窮

天祐三年丙寅歲閏十二月一日准 勅建

將任郎前守京北府鄆縣尉直學文館王側書口口

按碑有缺字吳任臣十國春秋載此文今據以增
注撰文者于兢書者王侗皆無攷碑云公名審知
姓王氏瑯琊人也後以大祖就祿光州因家于是
郡焉兩五代史皆云王審知字信通光州固始人
十國春秋云五代祖暉爲固始令民愛其仁畱之
因家焉然則碑云大祖者卽五代祖暉也碑云兄
潮士多歸之福建節度使陳巖請牧泉州巖病軍
士無統御泉牧遂以郡委于仲弟審邽而與公皆
赴云云歐五代史王審知傳稱唐末季盜起壽州
人王緒攻陷固始緒聞潮見弟材勇召置軍中以

潮爲軍校

薛史云時潮爲賊佐緒署爲軍政

是時蔡州秦宗權募

士益兵以緒爲光州刺史召其兵會擊黃巢緒遲

留不行宗權發兵攻緒緒率衆南奔自南康入臨

汀陷漳浦緒性情忌潮頗自懼說其前鋒將擒緒

推潮爲主

薛史云緒衆求帥乃刑牲歃血爲盟植劍躍于地衆以爲神異卽奉潮爲帥

時泉州刺史廖彥若貪暴潮略

地至其境耆老留之潮圍彥若逾年克之光啓二

年福建觀察使陳巖表潮泉州刺史景福元年巖

卒

薛史作大順中巖卒

其壻范暉自稱留後潮遣審知攻暉

破之唐卽以潮爲福建觀察使以審知爲副使十

國春秋云王緒取光州時潮爲縣佐史與弟審邦
審知以材氣知名邑人號曰三龍緒署潮爲軍正
主廩庾緒南奔陷漳浦初以糧少故兼道馳約軍
中曰以老孺從者斬潮與二弟時奉母行緒切責
潮欲斬其母潮等請先母死會諸將士皆爲請遂
舍之有術士望軍氣言軍中當有暴興者緒益猜
忌前鋒將擒緒推潮爲主潮乃除地剗劍祝曰拜
而劍三動者我爲主至審知劍躍于地衆以爲
神皆拜之審知讓潮自爲副

餘與兩
史同

此審知與兄

入閩之緣起也碑云乾寧三年僕射避疾付公以

戎旅仍具表奏尋加刑部尙書云云僕射者潮也
十國春秋從通鑑作四年冬潮有疾十二月丁未
潮薨與碑差一年十國春秋又云天祐元年夏四
月唐遣右拾遺翁承贊加審知檢校太保封瑯邪
王食邑四千戶食實封一百戶碑載此語
無年月又云是
歲建報恩定光多寶塔于福州天祐二年夏四月
王藏佛經于壽山凡五百四十一函總五千四十
八卷三年七月鑄金銅佛像高丈有六尺鑄菩薩
像二高丈有三尺卽碑所云奉大雄之教崇上善
之因虹梁雕棋重新切利之宮細軸牙籤更演毗

尼之藏盛興寶塔多捨淨財日麗飛霞攢彩檻
者是也又云海上黃崎波濤爲阻審知禱于海神

一夕風雨雷震擊開爲港封其神曰靈顯侯

原出
一作

顯應碑載此事大略相同惟靈顯侯作顯靈侯爲

異十國春秋又云天祐二年築南北夾城謂之南
北月城合大城而爲三周二十六里四千八百丈
卽碑所云恢張制度固護基扇立崇墉之百雉表
巨屏于一方者是也十國春秋又云是時命管內
軍州搜寫遺書以上卽碑云亟命訪尋精于繕寫
遠貢別款之圖不假陳農之求次第籤題森羅卷

軸者是也十國春秋又云佛齊諸國來寶卽碑云
佛齊國舟車罕通賧費因獻亦踰滄海來集鴻臚
者是也佛齊卽三佛齊兩唐書及兩五代史皆不
載惟宋史云三佛齊南蠻別種與占城爲鄰其王
號屠卑人多蒲姓可知在唐時未通職貢王審知
又係僭僞之國故其來寶不列史傳也十國春秋
又云唐以梁王全忠奏賜王建祠福州勒功於石
卽謂此碑也梁王全忠卽碑所謂天下兵馬元帥
太尉中書梁王是時昭宗遇弒哀帝嗣位本紀書
天祐三年閏十二月己酉朔福建百姓僧道詣闕

請爲節度使王審知立德政碑從之是時朝廷命
令多出梁王乘筆者尙存大體故本紀特書哀宗
之從碑文特書梁王之請其實皆具文也然玩碑
文但頌功德不及祠祀之事則十國春秋所謂建
祠福州者又不知何所本也碑文書檢校太保標
題作揀校他碑未見撰人于兢稱臣書者王偁不
稱臣蓋書非奉勅也

尔朱遠墓碣

碣高廣俱一尺七寸五分二十五
行行二十四字正書在句陽縣

唐故銀青光祿大夫檢校太子賓客兼監察御史柱國

河南丕朱府君墓碣并銘

廣平程彥矩撰

府君其先河南郡人也曾祖祐任主客郎中祖澤同州韓城令厥考弁歷左金吾引駕仗押衙銀青光祿大夫檢校太子賓客俱積德行黃綠車服 府君諱達字

正道少侷儻有氣不謹小節雖家藏巨萬視之蔑然輕玉帛若糞土重然諾不顧千金議者曰斯亦豪傑人耳初職繫懷州軍事押衙後改授山南東道節度散兵馬使始銀青光祿大夫檢校太子賓客兼監察御史由山南授東都留守押衙其嗜與檢校官口監察仍舊勲加

柱國以

府君之用心磊落蔚有才智觀其口必可

捍難口敵揣其義必可赴湯蹈火則其位殆不稱口口

口口然口口口度有規將擢第渚宮豈止於榱桷宏壯

膏棟膠口口口口云口口結峻宇以疎氣鑿巨沼

以緒流口樹森羅口口口口郡內口絕岡有口比世

居馮翊慈親在焉

口口口口口遙不克迎養同

氣八人更迭定省悉著行口口口十四口口口公事開

連計司輓運之勞咸稱幹鹽每休口口口口肩口口口

間有愛睦如也里巷益多

府君之口口以仰止口

口口口未嘗不應人由是歸嗟乎未及下壽以其年五

月六日□□□卒于江陵府無竟里私第享年卅有九
娶河南□□□男一人春郎六歲歲女相相六歲歲
用當年十一月□□□叶歸葬同州澄城縣武安鄉
永平營親第遷□□□□□特以哀命見請銘于貞石
文曰

彼蒼者天禍福茫然欲問其緣杳漠無言俄□□□
有後先積善何爲報應元元孰云有後□□□□
慶迅在口他年

府君名逵字正道云云號年殘泐不可得朱家河本
名大谷河世傳爾朱之後改爲朱氏居于河濱因建

達廟砌此碣于廟內近世陝人某作彼縣志卽以此

爲廟碑誤矣

關中金
石記

右介朱達墓碣廣平程彥矩撰攷其歷官始爲懷州
軍事押衙改授山南東道節度散兵馬使改東都監
守押衙洪容齋續筆云唐自肅代以後賞人以官爵
久而浸濫下至州郡胥吏軍班校伍一命便帶銀青
光祿大夫階殆與無官者等明宗長興二年詔不得
薦銀青階爲州縣官賤之至矣此介朱達正以軍校
而帶銀青階者也達卒於江陵府無竟里私第竟卽
競字
歸葬同州澄城縣武安鄉碣已損一角有年月而不

得其紀年大約在中葉以後矣江寧嚴侍讀道甫遊
秦中搨以見貽云石在邵陽縣西卅里朱家河自來
收金石家所未見也

潛研室金石文錄尾

真空塔銘殘石

石後殘缺僅存前六行高一尺五寸廣五寸五分每行十七字正書

唐崇業寺故大德禪師尼真空塔銘 并序

禪師諱真空俗姓申氏馮翊郡朝邑人也植性明悟天
姿卓越六度口口稟自齡年口戒深仁行詣早歲旣而
口口宿善童子出家訪道口口与波口而無異練心下
大德禪師碑額

額高一尺五寸九分廣一尺二寸五分
九字作三行正書在咸寧縣薦福寺

皇唐三階大德禪師碑

此不知何碑之額今存寺中碑猶存半截却無一字
可見闕中金石記

長樂鏡銘

徑七寸八分銘
三十三字篆書

連泥鈿羊清而即以土烏親因宜文章
延犀言壽去而羊興无屯乖而日月上
火尾流

陳拾銅華清而明以之爲鏡因宜文章延年益壽去不

羊與天无極而日月之光長樂

水星鏡銘

徑九寸五分銘

二十字篆書

永保命水銀星陰精百鍊得爲鏡八卦壽象備衛神
素家同律神

永保命水銀星陰精百鍊得爲鏡八卦壽象備衛神
水光鏡銘

徑六寸五分銘

二十字正書

玉匣邪開葢輕灰拭夜塵光如一片水影照兩邊人

寫衣鏡銘

徑六寸銘三十一字正書

絕照覽心圓運屬面藏黃匣口口掩掛玉臺而影見
羅綺于後庭寫衣簪乎前口

元卿鏡銘

徑三寸八分銘二十六字篆書藏尔家

日初升月初盈纖翳不生肖茲萬形是日撰寧鑿乎太
撰圖簡南有直精應

清元卿

青鸞鏡銘

徑三寸八分銘二十
八字正書篆餘家

月樣團圓水樣清好將香閣伴閑身青鸞不用羨孤影
開匣當如見故人

按山左金石志跋此銘調首句清字與身人同韻
補段若膺四聲音均表所未備然七言律絕起句
晚唐五代多有借韻者且真文庚青自古間有通
用顧氏寧人毛氏大可於唐韻正及古今通韻史
已詳載之不足異也

金石萃編卷一百十九

賜進士出身 誥授光祿大夫刑部右侍郎加七級王昶撰

五代一 梁

匡國節度使馮行襲德政碑

碑甚殘缺高廣俱無攷其前文失下截僅存二十七行行止四十六字後文夫上截僅存三十行行約五十六字正書在許州

口林學士奉 口口口工部侍郎口 制下缺

上缺字不可紀後仿此 九五山川口口口之口口口口口風水下缺

字不可紀後仿此 聖口神武雪五老口晷口口負鼎之 缺

懿口口口口口耿賈政邁黃韓口若匡國口口度陳許

汝□□州缺食菜□□□□氏雖系出長樂□家遷

□當世緒紛綸□□飛□相缺而平□□正色以威

嚴先郎□應於□□□媛□□猛獸□□□□

□□□□□□□石羽林缺江漢氣貫斗牛騰凌

追千里之蹤嘯傲負四方之心□□□□□□□□

□□□□翁知功名缺吐□□□□有孫喜者聚徒數

千人□□莫過將□□□□□□□□大驚怖無

可奈何公乃白缺於南□□□軍吏迎謁公在側擊

之□□□□□□□□□□□□之盡□□□□

兵□□□□□臣缺威秦山□□崢嶸緣□□□臨

□□公□□□節度□□□□□□□□□□□□□□□□
□□□□□□本尋源提綱振領言於缺食者民之命

也不可以不勤其□穡兵者□□器也□□以□肅其

號令□□□□□□□□□□□□□□□□□□□□□□

刑□□吾□之矣爾第缺懦者歡悅□□頹悟剛斷□

□□者又□□□素□□命□□□□冬聚舊□□□

□□□□□□□□□□□□□□□□□□□□□□

而復缺艱□□□□□之威莫遂去□□之患□□罔

倦蕩折威歸□□民寬□□□□□□□□□□□□□□

夜□□□□□□□□□□□□□□□□□□□□□□

□□□□□□□□□□□□□□□□□□□□□□

惟刑缺麻麥之宜

治彼□□□□□□推□□堤之□□愬功自□□□

□□□□□□□□仰稽前□□嗽遺蹤□□祖□□

之謀味缺果應於牧人壽德□□□□□□窈婦□年

內□□□□四千三百□□□□□□□□□□□□□

□□□□奏日連□□□□□□□□地而缺咸知日物之

方向者公□□□□軍衛□□□□再□□□□□規模

廳□□□□門□□□□□□□□□□□雄廣厦聲

□□□□□□□□色路缺類忽有烏鵲羣萃啄食無□□

□□□□□□□□東□□□□孤勤瘁南□□□□□吞

嶼□□□□□□□□□□□□□□□□□□□□□

縣百餘年□縣麥秀兩岐□□□□□□觀□□□長

社縣□□一莖四穗□□□□□□不□□□□□□□

□□□□□□之□蹈□□仁□□不足舍缺鈞距運籌

史□□□□□□□□平仗鉞稜威謝□□□□方□□

□□□□□□□□□□□□□□藝軍□講學馬上

注書揮□□立視飛缺飯帳下之犀渠□□皆感吮癰

樓中之□首蛾眉□□□□閨□□□□組□譚董□

□□□□煙□□之□□常□□□□□□偃草功著分

缺

缺高飛將□ □洞簫妹 榦□□章 刃□□□

口 鑣入仕 勇敵万口 口口口口 口口當路 口

口 風生 桓桓席口 智口口強 缺 送昏拯 劍斬

頑齧 帝念馮公 忠口口口 朝稱口口 左提右

口 口口口口 口口瑞節 望塵肯悅 公至若何

缺 類赤肩 口同白額 乃芟乃夷 乃梟乃磔

外戶不口 下民口口 口口口口 口食爲天 口

鼓喜口 口口口田 耒耜接肘 缺 保豐穰 取之

盍徹 巨害旣去 穢惡皆除 頒宣口口 慎慎刑

書 口口口口 囹圄常虛 口僑薄口 政叶口虛

老口口懷 缺 口交映 朱扉洞開 口優馬口

口燕臺 惠洽口里 口飛九咳 口口口口 和氣

充塞 麥秀兩歧 禽吞口滕 口口口口 缺人頽

德

缺 八月甲午朔十八日辛亥建

朝議大夫前光祿口卿上柱國李嶽懿書

將仕郎守 缺

碑字摩滅可辨者云有孫喜者聚徒數千又云軍吏
迎謁公在側擊之其事具薛居正五代史列傳云僖
宗在蜀有賊首孫喜者聚徒數千人欲入武當刺史
呂晁惶駭無策畧行襲伏勇士于江南乘小舟送喜

謂喜曰郡人得良牧衆心歸矣但緣兵民多懼撈略
若駐軍江北領肘掖以赴之某前導以慰安士民可
立定也喜然之既渡江軍吏迎謁伏甲奮起行糞事
喜仆地仗劍斬之卽其事也又云忽有烏鵲羣萃啄
食無口又云年口縣麥秀兩岐薛史云境內有大蝗
尋有羣鳥啄食不爲害民或艱食必有穉穀出于隴
畝亦其事也撰碑人應缺惟前一行存翰林學士奉
數字薛史云遷匡國軍節度使在許三年上供外別
追助軍羨糧二十萬石及太祖郊禋行襲請入覲貢
獻巨萬恩詔殊厚尋詔翰林學士杜曉撰德政碑以

賜之則此正其德政碑曉所撰也碑應建于天祐中
今僅存八月甲午朔十八日辛亥建云云而已舊惟
見篆額在州治前民舍中人稱長樂王德政碑頭屬
知州李君煒掘土出因移置學宮

中州金石記

碑殘剝前列翰林學士奉旨及工部侍郎案翰林學
士者卽杜曉也歐史梁紀開平三年春正月辛卯有
事於南郊後書九月翰林學士充承旨工部侍郎杜
曉同中書門下平章事據是則碑之賜立有工部侍
郎字必當正月後及曉九月前未轉戶部時矣傳紀
並言承旨碑作奉旨以避梁祖嫌名故也又題朝議

大夫前光祿口卿上柱國 缺 李宏懿書體勢規步率

更深入其奧然當時不聞以書名何哉行龔傳薛史

云武當人歐史云均州人証之碑所書家遷武當世

緒紛綸是薛史據其遷時占籍言之而唐書僖宗紀

光啓元年四月武當賊馮行襲陷均州逐其刺史呂

煜並與碑稱武當合矣然則歐史爲非實也 授堂金石跋

鎮東軍牆隍廟記

碑連額高六尺一寸廣三尺九寸二分共大小字二

十五行大字行十九字小字前十行行三十八字後

八行行四十字正書

在紹興府臥龍山

重修牆隍神廟兼奏 進封崇福侯記

若夫冥陽其理之規人神相贊之道傳於史冊今昔同符切以浙東地号奧區古之越國當舟車輻湊之會是江湖衝要之津自隋末移築子牆口遷公署揀卧龍之高昇雉堞穹崇對鏡水之清波風煙爽朗稱惟深固宜叶冥扶

故唐右衛將軍惣管龐公諱玉頃握

圭符首臨戎政披榛建府吐哺綏民仁施則冬日均和威肅則秋霜布令屬着愛戴黔庶誦謠等而罷市興嗟餘芳不泯衆情追仰其立嚴祠鎮百雉之尚帶率軍民之禱福殿堂隆邃儀衛精嚴式修如在之儀仰託儲靈之慶往載疊生劉氏妖起羅平子躬稟

睿謀恭

行

天討數年撲甲兩復越藩皆責勝靈之功以

就戡平之業特爲重增僊像嚴潔性半還來四野無塵
重門罷柝丁卯歲揚旌東渡巡撫軍民躬奠椒漿目瞻
靈像每暢吳風越俗其歌道素人安昔爲兩鎮之疆今
作一家之慶遂馳牋表請降封崇所冀

明恩与

漢牧齊標美稱其秦密封聳等蒙

天澤果

賜允俞須樂福之嘉名昇五等之尊爵其所奉

勅命具列如左

勅鎮東軍藩陸神應玉前朝名將劇郡良材傾因剖竹
之辰實有披榛之績躬修府署縵緝吏民豈獨遺愛在

人抑亦垂名終古况錢鏐任隆三鎮功顯十臣能求福
而不同致效靈而必應願加懿号以表其符宜旌岌業
之功用顯優隆之澤宜賜号崇福侯仍付所司康至哉
勅者

噫乎人惟神祐神實人依爰自始建金湯肅陳祠宇真
茲中壘三百來年雖享非馨未登列爵今則值予佐
國連統藩維啓吳越之雙封爲東南之盟主况遇

全行應錄

梁德克昌道旣泰於

君臣澤遂加於幽顯獲申奏薦避降

徽章今則

象軸煥新

龍綸遠至表勲名於万代昭靈威

於千秋固當永荷

皇私長垂幽贊保我藩宣

之地遐清災沴之源其泰斯民乂安吾土烜矣赫矣永
作輝華今當吳越雙封一王理事亦仗土地陰騭其力
護持神既助今日之光榮予亦報幽靈之煥耀但慮炎
涼改易星歲徂遷不記修崇莫源事始聊刊貞石以示
後來時大梁開平二年歲在武辰 月 啓 聖主
運同德功臣淮南鎮海鎮東等軍節度使檢校太師守
侍中兼中書令吳越王鏐記

此碑以城爲牆以戊爲武按舊唐書哀帝紀天祐二
年七月辛巳勅全忠誥鑄河中晉絳諸縣印縣名內

有城字並落下如密鄭絳蒲例單名爲文九月己巳
勅武成王廟宜改爲武明王十月癸丑勅改成德軍
曰武順管內棗城縣曰棗平信都曰堯都樂城曰樂
氏阜城曰漢阜臨城曰房子避全忠祖父名也

全忠祖信

十一月甲申勅改潞州潞城縣曰潞子黎城曰黎

亭又勅改河南告成縣曰陽邑蔡州襄城縣曰苞茅

同州韓城縣曰韓元絳州翼城縣曰澮川鄆州鄆城

縣曰萬安慈州文成縣曰屈邑澤州晉城縣曰高都

陽城縣曰濩澤安州應城縣曰應陽洪州豐城縣曰

吳高又按五代史滑州唐故曰義成軍以避梁王父

諱故曰武順又册府元龜開平元年五月甲午改城

門郎爲門局郎曾子固跋韓公井記襄州南楚故城

有昭王井故城今謂之故壩卽耶也山梁太祖父名

城避之然則城者誠之嫌名也册府元龜言帝曾祖

諱茂琳開平元年六月癸卯司天監上言請改日辰

丙戌字爲武從之然則戌者茂之嫌名也

容齋續筆謂戌類成

字故改然戌本音茂不知何以爲武音而鄭樵謂十

辰十二日皆爲假借甲本戈乙本魚勝丙本魚尾丁

本魚尾戌本武己本几又不知其說何所本也又如

後漢執金吾丞武榮碑云天降雄彥資才卓茂仰高

鑽堅允文允武則并茂字亦讀爲武其來久矣

唐白居易

詩有木名櫻桃得地早滋茂與露去
住願如樹賦爲韻 金石文字記

按碑前載表奏次列敕旨最後記文乃吳越武肅

王錢鏐所作城隍廟神舊祀唐右衛將軍總管隴

玉蓋玉都督越州有善政土人立廟奉爲城隍至

是鏐又具表請降崇封五代會要云開平元年封

鎮東軍神祠爲崇福侯從吳越請者是也李陽冰

縉雲縣城隍廟碑云城隍神祀典無之吳越有此

風俗是城隍神雖未得列于祀典而建祠立廟之

事所在皆有此碑云等而罷市興嗟餘芳不泯衆

情追仰其立歲祠卽于麗玉身後其事當在唐初
又記云昶自始建金湯肅陳祠宇奠茲中壘三百
年來雖享非馨未登列爵則前此鎮東軍城隍亦
祀典所無陽冰之言爲不誣矣玉京光溼陽人堅
四世祖新唐書附堅傳稱玉事隋爲監門直閤李
密據洛口玉以關中銳兵屬王世充擊之百戰不
勦世充歸東都秦王東徇洛玉率萬騎降高祖以
隋臣禮之玉魁梧有力明軍法久宿衛習知朝廷
制度帝願諸將多不開儀檢故授玉領軍武衛二
大將軍使衆觀以爲模稜出爲梁州總管巴山獠

金石錄卷之二
二
叛玉臯其首餘黨四奔屬縣獠與反者州里親戚
爲賊游說言不可窮躡玉不聽下令曰殺熟吾盡
收以饋軍非盡賊吾不反聞者懼相謂曰軍不止
吾殺盡且餓死乃其入賊營與所親相結斬渠長
以降衆遂潰徙越州都督召爲監門大將軍太宗
以耆厚令主東宮兵雖老不忘小大之務無不親
及卒帝爲廢朝贈幽州都督工部尙書史載玉歷
官行事如此碑紀土人立祠之由但叙其在越州
時事

重修北岳廟碑

礎上殘缺僅存高九尺六寸五分廣四尺
六寸二十七行字數無考行書在幽陽縣

重修北岳廟碑

觀察巡官朝請郎檢校尚書禮部員外郎兼侍御史
賜緋魚袋劉端奉 命撰

定州文學王知新書

缺 明覆載以稱功浩淼百川峻嶒五嶽顯陰陽而自

異呈動靜以爲徵莫不隱靈祇彰聖化欲見而非見示
威而不威福善禍淫有今古無差之理聰明正直豈鴻
纖偏照 缺 妙難窮之跡蘊幽德罕測之基昭然懋然駑
矣大矣軀至道而半籠萬彙啓範圍而埏埴羣倫敬之

遠之寒暑不愆于四序恭也禮也扎瘥口適於千門况
還當夏氏之興且特修王母之祠未盡善也迨致高
禩之祭胡可比焉豈若恒岳霞峯

安天壘廟鎮

撫弄分之所輯寧禹別之方口氣勻鋪壯口

勢巍巍

藏雲龍而均風雨如生肅肅將魚水而睦君臣遠还垂
恩公私布惠解濟黔黎之苦能獨

皇國之憂懸

甍亡魂奸回縮胆怖盤罕口黃鉞逃粉碎

春秋祇若

興五侯懇薦於蘋蘩黍稷非馨唯於饗德備膺成有但
以依人伏又河朔名區海西樂土雖烹魚鹽之利尤多
耕織之資審迓并燕絕六狄七戎之口交居趙魏招

一境是諸華之則三軍爲百代之規整頓朝經獨立功
臣之貴平除國難孤標虬亂之勳况
大唐二十

餘帝乾坤三百年間社稷龍魚數見口口頻生聲振缺

萬方之禮樂無雙堯舜芳懋既參差於竊比商用政柄

徒虺虺於揚名宇宙昇平煙塵帖泰汎宸恩於草

木鍾睿澤於惇發屬以失味口口輕漂舟楫缺

玉輅東西豈爲春蒐之故銀鈎南北唯論秋獵之因

荏苒九州依佻六國運偶二三之變時遭百六之艱伏

以缺歸於神授英通盡出於天生昂宿光茫契

叶賢王之瑞金精照灼潛符缺霸王之徵

執禮宏仁廉刑薄斂徧沐

怡顏之貺口遵難犯

之威

缺

彰形彰於冰壺不意小瑕

畱心大節賽

桓文之令望超周邵之嘉音謀始要終理煩去或皎潔

三秋之月泓澄万頃之陂而又世襲

缺

五孝從

五帝而至如今加以武庫規繩儒門綱紀著述五兵之

策研精万卷之書稼穡偏知但見啓期之樂刑罰獨斷

旋除庶女之風惻隱肥家忠貞活國勲

缺

大展謨謀深

行理治每設補天之術恒修縮地之方由是訪沉淪求

疾瘼崇佛理重神明廢置仰藍稔就增修之命傾頰靡

宇俱當造化之功口嶽廟以天寶

缺

洎乎舜熹類移秦

正屢改將新舊而分巧拙方彼此而日古今屬以山
歌傾丹楹朽腐只取於素來基址特興於此際規模遂
命押衙充都口修造使檢校工缺春揭藉罄竭於心匠

惟臻至於忠勤百役子來三時慶陳選擴苑於異木佺
柱石於幽巖杞梓鸞椽瑤瓦想楚宮之枉設誇漢

殿以虛詞斤斧奇能再偶缺長戴千千似稟銜枚之命

驥映万万疑聞聳轡之聲福壽要津神祇會府闔苑亘
瑤林之茂銀屏衝朱檻而開未既十旬其庸一旅勞而
不經告厥成功實爲陰缺燈凌空展梯口口莫達清波

忽泛浮梁棟以旋來黠黠坤元踊一攢之勝槩明明星

紀聯百雉之清虛佛土裝嚴猶虧鳳髓蓬瀛景致只欠
鼇頭豐省亡機疾缺北討南征葢口口神之助人安俗

阜深恐

陰德之功而又巨夏多艱中原盡蠶大

厲久離於四表太平永在於三州

缺絕

口圖貽厥孫謀宏宣

祖業社稷類金湯之固山

河齊日月之榮端負笈後人食魚末客少琢磨於焉學

深口口於斯文謬歷煙霞媿

缺

異披砂口口拾芥有潘

毫而稽顙無香桂以甘心進思盡忠煦育之

缺

荒蕪冀口

寵命叙虛襟而寧極修實錄以何窮但

以賜如誠非作者雖乖雅頌輒縱賡歌

缺國泰齊口年豐一人肅敬八表欽崇諸神際會闔境

和同公私唯孝左右純忠威降巨祿力制羣戎寶裝廟

宇山是屏風其精專建造巧竭憲徵高攢缺繫日光暉

龍竿虛噴師從兵圍前壇後苑左馳右駢尊卑森森去

就依依俄興木鐸待整璜其匡時舟楫問代公侯洪

橋架海皓月當秋恢觀至道以缺巍巍清廟岌岌危樓

家財已俸制置增修行藏實錄今古難儔其三名超八凱

鑒若三辰忠貞輔國禮樂親降始終霸道左右賢臣一

方受煦万物逢春缺奉命文不驚人微書盛事永載貞

珉

缺同三司檢校太師兼中書令使持節定州諸軍事
上柱國北平王食邑五千戶食實封五百戶王處直
歲在丙子十月癸未朔□□日建

□藉王允刻字

右重修北嶽廟碑列端撰王知新書已失其半年月
僅存歲在丙子數字諸家收藏僅列唐碑中卽亭林
亦未深考也案碑記王處直修廟事而文云大唐二
十餘帝乾嘉三百年間則已非唐時可知也檢五代
史雜傳王處直爲唐金吾大將軍領興元節度使宗
善子義武軍節度處存之弟也乾寧二年處存卒于

鎮三軍推處存子部爲副後處直爲後院中軍都知
兵馬使光化三年梁兵攻定州部遣處直率兵拒之
兵敗入城經御亂兵推處直爲副後梁兵圍之遂紀
晉而事梁梁太祖表處直義武軍節度使累封太原
王太祖卽位封處直北平王其後梁兵攻王鎔鎔求
救于晉處直亦遣人至晉願絕梁以自效晉兵救鎔
處直以兵五千從破梁軍于柏鄉其後晉北破燕南
取魏博與梁戰河上十餘年處直未嘗不以兵從又
案梁太祖本紀光化三年進攻定州王部奔于晉其
將王處直以定州降開平四年北平王王處直叛附

子晉是碑處直列街已稱北平王歲次丙子應爲梁末帝貞明二年無疑又以五代史考之處直已於開平四年附晉道鑑稱唐之亡也惟河東鳳翔淮南稱天祐則此碑所紀必天祐十三年又無疑矣街中檢校太師兼中書令使持節定州諸軍事食邑五千戶等歐史不書似亦未見此碑也

竹垞金
石目錄

贈太尉葛從周神道碑

碑高八尺七寸八分廣四尺二寸三分
十八行行約七十字行書在偃師縣

梁故招義軍節度□□□□□□置等使開府儀同三司檢校太師兼侍中守潞州大都督府長史□□□

□□□□□□□□□□□□□□葛公神道碑銘 并序

銀青光祿大夫禮部尚書權知貢舉□上柱國臣薛

廷珪奉 勅撰

翰林待 詔中大夫檢校刑部尚書□左□□衛大

將軍□□□□□□□□□□□□□□臣張璣奉

勅書

□議郎守殿中□□□奉御□□□□□□□□微奉 勅

篆額

□□包犧設教畫卦□□□□□□□□□□□□□□弧矢於焉利

用□□□□□□□□□□蓋殷周之前將相其柄洎秦漢

之後文武殊途至若綱紀彝倫範圍庶品闡揚至理崇

樹鴻猷則用武之□□□獨濟若夫撥亂反正□□□

□□衛□□敷濟王□則□□□□□□諸至於大

義至公開物舉務感召和氣庇育羣生其揆一也夫物

窮則變否極則通時雖類於循環事□□□合□□雕

虎□□□□□□□□□□而□□□□□□□□□□

□□□方勘定遂生翦起韓彭扶丕□以凌霄翼真人

而御極風雲之會影響無殊□□□□□□□□之

期□□□□□□□□□□□□□□□□□□□□□□

□□□□□豕於大田斷循馳於廣陌則有故昭義軍節

度澤潞等州觀察處置等使開府儀同三司檢校太師
兼□□□潞州大都□□□□□□□□□□□□□□□□
□□□□□□□□□□□□□□□□□□□□□□□□□□□□
漢州郾縣秦丘里人也禮也曾祖阮祖遇賢父簡贈兵
部尚書惟公世方管晏緒接神仙負山□□□□□□□□
□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
而酌中文武居然兼備素業唯觀於大略壯圖潛□
□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□

家刑國鵠文兆忠孝之名原始要終血字表公侯之分
寔爲天縱□□□□□□自 太祖□□□□□□

□□□□□□□□□□□□□□□□□□□□□□之鋒於是

附

鳳攀

龍築名委質伐蔡之役戰酣

太祖皇帝□□□□之變時□□□□公齊□□□□

□□□□□□□□□□□□□□□□□□□□□□谷之

史輪不返而又青充三寨鯨鯢萬人勦戮無遺輔重皆

弃鞶約面縛而授首□唐魄□□□□□□赤□□□□

□漢□□□□□□□□□□□□□□□□□□□□□□

□□□□□□齊山僵尸蔽野以功□檢□□部尙壽時

遷沉痾於邊上明年青齊之衆復陷兗州□□□□

魏濟難

太□□□□□□□□□□□□□□□□

□□□□□□□□□□□□□□□□□□□□□□
□□□□□□□□□□□□□□□□□□□□□□
□□□□□□□□□□□□□□□□□□□□□□

念勲勞乃賒疾恙爰降優禮□□□□□□□□□□

□□□□□□□□□□□□□□□□□□□□□□

寔美□□□□□□□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

歸葬于僊師縣亳邑鄉林南里之別駕贈賻贈哈

君恩□□□□□□□□□□□□□□□□尉有子五

人□□□□□□□□□□□□夫檢校□部尙書□□□□

將軍同正不仕次曰彥勳金紫光祿大夫檢校兵部尙

書前守洪州別駕不□次□□□□□□□□□□□□□□

□尙書刑部員□□□□□□□□□□□□□□□□□□□□

□□□□□尙書守左驍衛將軍次曰彥浦殿前受旨

銀青光祿大夫檢校太子賓客薦□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

英飛龍使充西京都監銀

青光祿大夫檢校尚書左僕射守左武衛將軍□□

□□□□□□□□□□□□□□□□□□□□□□

□□孔循□□□□□□□□□□□□□□司徒左威衛

上將軍連榮 賈咸送照閩門玉鏡臺前匪獨惟

於□□□□□□□□□□□□□□□□□□□□□□

□□□□□□□□兼□□□□□□□□□□□□□□禮

以竭情臨義事而銜恤始終部分董灼一時斯又見天

□昭荅之重沓也 皇帝臨軒軒悼撤□廢朝□

□□□□□□□□□□□□□□□□□□□□□□

伊昔皇唐運終百六兵革□□□□□□□□□□□□

悠悠丹旆軋輶轡車万人之敵六尺之軀皆如石火去
似隙駒□□□□諱其同諸其□□□□□□□□秋露
如珠匯君□□平生氣豪命世功夫金瘡猶在腔肉永
枯其九邨山之隅□□之裔許國壯心磨天逸勢威聲□
□昏衢迢遞長辭魏闕永謝明世其

貞明二年歲次丙子十一月壬子朔十二日丁卯建

鑄字沈□

從周歐史有傳其檢校太師兼侍中則史未之載昭
義者潞州軍號也唐季潞爲河東所有不在朱梁管
內從周以疾致仕遙授節度令食其俸于家非真節

度也宋世節鎮在家支俸之例實昉于此周德威少
字陽五此碑作揚五文云歸葬于偃師縣亳邑鄉
叔瓊中州金石表所載偃師碑甚夥而獨遺此吾
武君虛谷始揭公遺子文雖殘損猶足爲攷史之助
于思容齊乘謂荏平縣有五代葛從周墓土人名曰
葛塊讀是碑始知土俗相傳之誤

潛研堂金
石文跋尾

碑字可辨者皆與薛居正五代史不甚異疑薛据此
碑而爲傳按之歐陽修史所載甚與碑異此碑奉勅
書撰降無冒列功狀是歐陽史爲失實也歐陽史所
載歷官晉秩亦多疏略賴有此証之碑云偃師縣亭

已鄉今之淮廟都節古西亳湯都也

中州金石記

按葛太尉殘碑余乙巳二月始過其墓碑石舊爲雨風激射間有存者惟下二尺餘埋於土中尙完好急爲剪剔出之碑內題云故昭義軍節度澤潞等州觀察處置等使開府儀同三司檢校太師下缺數字其所載歷官晉秩皆與傳略同五代史從周濮州鄆城人今碑云鄆縣當時載筆者爲梁太祖父嫌名避之據禮不諱嫌名而唐之諸帝與其七大夫競相規易至其末季尙欲持是區區虛崇無益之數藝以籠制冥悍跋扈如溫之至無賴者又豈遽爲之動與史言

從周從太祖攻蔡州太祖墜馬從周扶太祖復騎與敵步鬪傷面身被數瘡攷此碑伐蔡之役戰酣云云文缺證以銘詞所謂戰酣馬逸上失銜勒下車策之傷面克敵碑旣悉與傳符而從周功績初已可見如

此又本書晉王恣自將擊從周從周雖大敗而梁兵

擒其于落落送於魏斬之

羅紹威傳梁兵擒晉王子落落送於魏宏信斬之與

同此碑竟云馬步二千殺戮殆盡生擒落落奪馬三

千則從周竟未大敗矣落落亦屬自擒而歐陽乃歸

之梁兵反覆推之知史誣也碑奉勅書撰從周子孫

斷無敢於冒列功狀虛誑溢美以耀從世者歐陽為

得之舊聞而從周戰績幾於湮沒不覓非是碑後世
其孰從而知之碑後文又有入井陘攻討并部降李
洪範傳亦失載從周爲宜義行軍司馬傳書於旣敗
燕兵之後依碑又在代丁會之前叅錯乖迕並宜依
碑爲據至所書末帝卽位拜昭義軍節度使封陳畱
郡王食其俸於家卒贈太尉從周當致仕日已居假
師未聞再召用及後卒也亦當居於假師而碑云以
十月十三日歸葬於偃師縣毫邑鄉然則從周又非
終沒於家者錄之其亦俟考也從周曾祖父阮祖遇
賢父簡贈兵部尙書從周諸子碑尙可見者次日彥

勲次曰彥浦史並略不書獨余爲暴出之使幸有聞
而碑亦於從周祖父列名獨不爲少蝕疑亦有待於
後人與隱師金石遺文記

碑紀從周戰功有云落落領二千騎錄馬步二千殺
戮殆盡生擒落落奪馬三千歐史本傳書晉王怒自
將擊從周從周雖大敗而梁兵擒其子落落送于魏
斬之子向跋此深以見歐史之誤今案舊唐書羅宏
信傳太原怒舉兵攻魏營于觀音門外汴將葛從周
援之屯于洹水李克用之子落落時爲鐵林軍使爲
從周所擒唐書宏信傳從周爲閻寶每克用兵至輒

出精卒薄戰必捷克用踰洹西北挑戰從周大破之
禽其子落落乃引去舊五代史從周傳乾寧三年五
月并帥以大軍侵魏遣其子落落帥二千騎屯洹水
從周以馬步二千人擊之殺戮殆盡擒落落于陣并
帥號泣而去紹威傳太祖遣葛從周援之戰于洹水
擒克用男落落以獻太祖令送于宏信斬之晉軍乃
還推斯數証舉足以見永叔曲說非信史矣

授堂金
石跋

按從周薛歐二史皆有傳惟薛史與碑多合具見
諸家跋中碑有云羣約面縛而授首口唐魄口口
口口據舊史傳兗州齊克讓軍於任城從周敗之

擒其將呂全真淄人不受制復與之戰獲其驍將
鞏約會青州以步騎萬餘人列三寨於金嶺以扼
要害從周與朱珍大殲其衆勝其將楊昭範五人
而還至大梁不解甲徑至板橋擊蔡賊破盧瑋寨
瑋自溺而死碑下句似謂盧瑋魄喪自溺與上鞏
約面縛爲對瑋字作唐與史微異傳又稱李罕之
引并人圍張全于河陽從周率兵赴援大破并軍
殺蕃漢二萬人解河陽之圍以功表授檢校工部
尚書碑云口口齊山僵尸蔽野以功口檢口口部
尚書正敘此事蓋以功授檢校工部尚書也碑文

爲薛廷珪奉敕撰攷舊唐書薛逢傳子廷珪中和
中進士第光化中官刑部吏部二侍郎權知禮部
貢舉拜尚書左丞入梁至禮部尚書舊五代史廷
珪本傳又云唐莊宗平定河南以廷珪年老除太
子少師致仕同光三年九月卒今碑題禮部尚書
權知貢舉口上柱國正與傳合新唐書稱廷珪光
化中累尚書左丞朱全忠兼四鎮廷珪以官告使
見全忠卒不肯加禮其入梁以後歷官皆畧不載
似廷珪以唐臣終者賴有此碑足見舊書有據古
人碑志諸文於卒葬之處每書禮也以見其舉喪

行事無悖子禮是碑敘其先世爲濮州人亦加禮也二字殊無意義廷珪爲當時能文之士不應乖謬乃爾疑書丹者筆誤或刻上鈎摹舛錯所致也
刺史折嗣祚碑

碑高九尺廣三尺七寸前面已缺僅存二
十八行正書字數刻泐無可考在府谷縣
人爲之受命瑤影搖彩嶽積所以降神昔周文王

有大明嗣太王季 獻諱華雲中人也永西 伯之苗裔

大魏 之後宇文之別緒以金城 自 武德中 詔

府谷鎮邊使不改善政永 子瑤 之策 能不

施勞於民不代善於己憤恚 以魏孝文帝廿七代

之孫也世襲家聲勲庸

不昔

先王之顧命

巨唐

之芳業爰因忠烈爲唐繼隴西氏焉

所謂

若作席上

琳瑯人間柱石鹽梅楚蘗

不謂臨危致命不顧其死

見義有勇無懼於

獎

式義方不可奪也

可稱也

不以私誣義罔以虛眩真守金石

爲府谷鎮

持戎

醜壇境之內民無雜居杜烽戍之虞

尙書兼御史大

夫考績

庶政增以厥貢良驥可千乘與部族歸權蓋

之地黔黎

有豐年之詠

昔先王求枚嗣祚也以

乾符歷數

元兇

不敢以懸河之

辨無不對當

進賢任

重爲黎先行

欲移勳列爵未足稱

吾懷何

如 其德不同馳騁

於雲口之然將明命於

王親

之真然曰虜延深遠口口危

雖警中利刃

當今晉

王威

公有大忠才

王室有

大

駕爲

漢上

氏

口祖廢之禮也而乃衣錦桑榆顯榮也

先世

聖唐

之瑞派子子孫孫引無替之道也俾乎黻冕金

行勲

業惟新敷五教以在寬闡六條而弭政稼穡有通歧之

詠庶民無聚歛之怨

公下車

之日觀人多

弊塞惟

撫問愛如己有送乃布駟鷄之善牧馬之政聆風嚮化

繼至

累降名授加口陞功

以効口靈山岳其年冬末

有二日享齡

五寸終禱於

郡焉

心

永有

爲州

之譽 趙宣子郭 有子五人長曰從 軍使次曰

軍使次曰從 達勳合楷模 府府州副使 次曰從依

擯 麟州司馬檢校尚書祭酒兼御史中丞次曰從 祖

聖之左右授機應符契運叶瑞來俄清風朗月孤高不

率口無擇言哲中尤哲賢中又賢巖谷歸神崑崙煖煖

玉石俱焚 曠俯曠 封樹諸子昇

文云有子五人三曰從遠從遠卽從阮以後唐莊宗

鎮太原時領府州刺史文內又有當今晉王威公有

大忠云云則是碑梁時所建也 文云大魏之苗裔

宇文之別緒又云爰因忠烈爲唐裔隴西氏子克行

碑云折出河西折屈五代史從阮父嗣倫與此異

金石記

按碑殘缺無年月諱字可見但據文中有昔先王
求枚嗣祚之語知折君名嗣祚耳凡碑敘事皆稱
爲公此語直言嗣祚蓋承先王爲言明尊君也嗣
祚有子五人次曰從遠五代史有折從阮云從
阮字可久本名從遠避漢高祖舊名故改字卽
此人也傳稱父嗣倫爲麟州刺史今作嗣與史
異然云享齡五十終祿於麟郡是嗣祚終州刺
史與傳合卽嗣倫無疑矣舊史從阮傳唐宗初

有河朔之代兆諸郡屢爲邊患起從阮爲河
東牙將領府州副使同光中始授府州刺史碑稱
從阮動合楷模缺府州副使又云當今晉王威
公有大忠於王室是碑之立當在同光改元以前
故尙稱晉王耳碑叙嗣祚世系行事頗詳而剝蝕
過甚無從據以補史惜哉

唐

重修法門寺塔廟記

碑高七尺一寸八分廣三尺八寸三十行行
五十二字至五十四字不等正書在扶風縣

大唐秦王重修法門寺塔廟記

朝請大夫守尚書禮部郎中柱國賜紫金魚袋薛昌
序撰

承 百王仁恭書

夫 大聖示其不滅證以無生燃慧炬以燭幽泛慈航
而拯溺在三千界分八万門誘捨愛河勸離苦海香山
月殿長侍眸容鷲嶺龍宮時開半偈与消塵劫令出昏
衢按後魏誌阿育王役使鬼神於閻浮提造八万四千
塔華夏之中有五 秦國岐山得其一焉又按神
州三寶感通錄華夏有塔一十九所岐陽 聖
跡復載其中朝觀光相少觀聖燈究異草之西來驗

靈蹤之所止，供盈香積，鑪馥旃檀，面太白而干。
疊雲屏，枕清渭，而一條翠帶而又。

又皇遷寢

殿而修花塔，冀拔羣迷，天后開明堂而俟。

真身庶康，万彙編於史冊，傳以古今，粵自有周泊乎大。
漢至于晉魏，口及齊梁，隋文則誓志焚修。

我唐

則

累朝迴向，莫不歸依。

聖教恭敬

真宗慕善行於阿育王，結慈緣於金龍子，嘉。
徵迭變靈應，無窮或顰鶴飛翔不離於世，字或娜雲搖。
曳靡捨於金繩分。

舍利於五十三州，增福田於

千万億祀間生。芝草頻現，雨花真形，試火而火不焚，因。

其吳主

寶塔居水而水不近彰自前門禮懺

者沈痼自痊瞻虔者宿殃皆滅

金僊入夢白馬

戒途傳經既口於西天演法俄流於中土今則

王天演稟異

帝稟承榮立

鴻猷於

多難之秋彰

盛烈於阡危之際徧敷歷代會

無兩人增美

儲闈傳芳

玉誅將

中興於

十九莖築

大業於三百年

竭力

邦家推誠

君父身先万振屢掃

攙搶血戰中原兩收宮闕故得諸侯景仰八表風隨當

口踞於山河卽

龍騰於區宇

王兩鋪及塑四十二尊賢聖菩薩及畫西天二十口祖
兼題傳法記及諸功德皆彩繪畢天復十七年口口口
口口口并口造八面金塔內外塑畫功德八龍王天
復十九年至二十年蓋造護藍牆舍四百餘間及梵塔
庭兩廊講口口口及口口口口口塔天復十九年二十年
四月八日遣功德使特進守左衛上將軍上柱國隴西
縣開國伯食邑七百戶李繼潛僧錄明口大師賜紫沙
門彥文首座普勝大師賜紫沙門冥辭宣奉絲言敷傳
聖懇兩件施梵夾金剛經一万卷蓋自
王晝夜

精勤

躬親繕寫不墜祇園之教普傳貝葉之文

塔前倭施十方僧衆受持兼香油蠟燭相繼路歧至天
復二十年庚辰至壬午歲修塔上層綠琉璃甍瓦窮華
極麗盡妙罄能斧斤不假於斯須繩墨無虧於分寸法
雲廣布 佛日高懸不殊兜率天中靡異菩提樹

下悟其實相了彼真空金口藥裝福護於風鳴之境神
光煜燦照臨於鶴首之郊必使玉皇長新 瑤

圖永煥紹

高祖

太宗之不構邁三皇五帝之

口猷

王子天孫光承

運祚

大君

聖后凶墜花香口修寺主安遠大師賜紫沙門紹
恩戒行圓明精持堅懇稟先師之遺訓成 大國之

良因放鶴掌中降龍口下護珠內紫世垢莫侵虔奉

宸嚴遐神勝果希傳永永爰刻碑碣昌序藝愧彩

毫詞非黃絹謬承

睿旨俾扞斯文殊匪研精難

逃荒鄱天祐十九年歲次壬午二月壬子朔二十六日

丁丑記

玉冊官孫福鏞字

碑稱天祐十九年是時唐亡已久李茂貞尙稱唐年

號又二年而莊宗取梁茂貞稱臣又一年而茂貞死

戰爭之時得作此佛事者以梁晉搆兵茂貞偷安故

也按傳茂貞先稱岐王莊宗改封秦王據碑則已先

稱秦王矣碑王仁恭書亦精勁有法

石墨
精善

通鑑後唐莊宗同光二年封岐王李茂貞爲秦王今此碑天祐十九年建而其文稱已秦王則在同光之前二年矣蓋必茂貞所自稱又史言茂貞奉天祐年號此碑之末亦書天祐十九年而篇中歷述前事則竝以天復紀年至天復二十年止亦與史不合

金石
文字

文云秦王者李茂貞也金石文字記据通鑑後唐同光二年封岐王李茂貞爲秦王此文在同光之前以爲必茂貞所自稱以予攷之殊不然舊唐書昭帝本

紀景福二年十一月制以鳳翔節度使李茂貞守中書令進封秦王蓋茂貞之稱秦王自此始茂貞自岐王封秦王故云進封其後天復三年除茂貞檢校太師守中書令史仍稱秦王不云岐王也通鑑同光二年進岐王爵爲秦王考異云茂貞改封秦王薛史無的確年月實錄同光元年已稱秦王茂貞遣使賀收復自後皆稱秦王至二年辛巳制秦王李茂貞可封秦王豈有秦王封秦王之理必是至是時始自岐王封秦王也据此則莊宗實錄本書秦王溫公以意改之耳茂貞唐之舊藩與河東均附屬籍稱兄弟行至

是始稱臣於莊宗故因其舊封授之錫以冊命實錄
所載本不誤通鑑改之失其寔矣五代史茂貞傳實
封岐王子昭宗幸華之後通鑑則書于天復元年不

知茂貞封岐王乃在景福元年以前

舊唐書景福元年以故王李茂

貞爲興元尹山南西道節度等使

傳又稱梁祖卽位茂貞稱岐王開

府置官屬又稱茂貞聞莊宗入洛乃上表稱臣遣其
子入朝改封秦王詔書不名不知茂貞在昭宗之世
稱秦王已久矣岐者一州之名秦者大國之號茂貞
已受命建國曰秦必不舍秦而仍稱岐此夫人而能
知者也通鑑稱唐之亡也惟河東鳳翔淮南稱天祐

西川稱天復年號此碑敘述前事俱用天復紀年至二十年止碑末乃書天祐十九年與史不合五季土宇瓜分各帝其國紀元之今朝更暮改史家得子傳聞不若碑碣之可信當全忠劫昭宗遷洛改元天祐河東西川謂天祐非唐號不可稱仍稱天復岐介

蜀之間與梁爲深讐必仍以天復紀年及唐旣亡河東改稱天祐西川仍稱天復茂貞與西川爲鄰亦必仍稱天復也久之晉日盛強滅梁之形已久茂貞乃改稱天祐以自同于晉此事之想當然者惜乎史文缺漏賴有此碑立于當日可證紀元之異同此金石

文字之有功于史學也寺在鳳翔之岐山縣唐憲宗
元和十三年功德使上言鳳翔法門寺有護國真身
塔塔內有釋迦牟尼佛指骨一節上遣中使帥僧衆
迎之者卽此塔也

潛研堂金
石文跋尾

天祐十九年卽梁主瑱之龍德二年也秦王卽李茂
貞唐亡梁稱帝改元開平曰茂貞與李克用並襲天
祐蜀王建稱天復七年以明年改元武成吳楊渥稱
天祐十五年以明年改元武義並是也茂貞踞有鳳
翔等二十州于梁主瑒貞明乙亥丙子之間鳳翔爲
蜀所克史不言復爲茂貞所有據碑可見其脫誤碑

又稱天復十二年十九年二十年天復之十二年即
天祐九年其十九二十年則天祐十六十七兩年也
是茂貞稱天復天祐號年之限克用專稱天祐茂貞
兼用天復天祐此其所異者也茂貞本姓朱僖宗賜
姓爲李氏或云茂貞封秦王在同光初天祐十九年
不得有是稱案天祐十九年卽梁亡之年明年則爲
同光元年也豈茂貞自稱爲秦王莊宗因是封之耶
蓋不獨武都楊盛不改義熙年號比志于陶靖節矣

關中金
石記

茂貞本姓朱僖宗賜姓李氏記所稱天潢裏異帝裔

承榮蓋指其事法門寺見韓愈傳云鳳翔法門寺有
護國真身塔此所重修塔意卽其遺跡與記稱天祐
十九年歲次壬午前又以天復紀年至二十年參差
無統唐之正朔亡矣歷代紀元業攷于梁開平元年
書岐王天祐四年証之此碑仍稱自天復元年及十
二十三十四十九廿年皆以天復紀號是當梁之篡
唐未嘗以天祐紀推其誤蓋沿于通鑑謂唐之亡惟
河東鳳翔淮南稱天祐也

後堂金石錄

重修定晉禪院碑

碑高九尺八寸廣四尺九寸五分三
十六行行七十二字正書在武安縣

暑風寒雪已辯春秋葉落花生方知冬夏

□□□□□□□□□□□□□□□□□□□□□□

東魏黃初三年高歡帝所造也又雜集

異記云魏時有大乘僧不知生族諸天降食以供其齋

忽夜夢二豎凭□□□□□□□□□□□□□□□□

俗服於山石邊有大樹樹本堅枝密

其僧將法衣往樹欲掛其樹忽爾開而窺之儼然掩合

神力弥縫乃婚媾長於二子後一十二年却至樹邊樹

開而□□□□□□□□□□□□□□□□□□□□□□

有虎闔菴前

師乃以手約杖馭而皆耳伏後之人因其樹号桐禪師

之寺焉又改爲定晉禪院禪室山巖唯高唯遠龍池虎
穴左之右之上至天宮下窮於地獄乃爲師之□□道
清以考此凡志求□□蹤揆度古基持興蓋造從大唐
同光元年歲次癸未七月起功至天成元年歲次丙戌
九月院成法堂僧堂厨庫□屋並在巖巒之下禪棚石
室佛系□像安於峭壁之中木秀山巍顛□□□禽
□獸崗畔成羣洞□祥風泉源細水花芳艷翠香逐雲
濃散雨龍寒飛霜石冷幽閑異境大聖所居古跡金田
遂重修舊昔日禪定石室一所□塞無蹤忽然自開收
得道具數件乃是樹禪□僧所用之物也有單梯一徠

隣高百一倚於巖下莫知年載有坐禪棚一所出於峻
壁之中下去地一十五丈於同光二年九月十日特然
修換材木皆新棚上有阿彌陀佛一尊聖僧一坐倚子
一隻蓋一頂道清觀此聖事乃全枯意馬苦楚心猿又
整勤忠焚香發願別化千人之邑同修一劫之緣蓋造
高樓安排佛像茲願已集碑紀微功所住山中素無青
石未之莫有於天成二年歲次丁亥七月二日有二龍
鬪於寺前峪內雷旬電曜水溢溝穿現出青石一條長
一丈七尺琢之如珮磨之瑩然龜頭鼎足皆獲足矣建
茲福事際會

明朝立口之功上歸

皇化君聖臣賢之代民康鼓腹之年牧藪訶而樂

乎哉風雨時而禮何有三郡

潛龍之地九州一

統之時

帝孟堯風皇宗舜海金枝黃鉞掌

鉅鑣之山河

帝子親王彙邢臺之旌節口

口樂業豐稔田疇民義於

君君賢於德爵

惡勸善刑法無差舉直退私人滋膏富

皇天后

上翼肋山河湮毀困窮皆霑霽澤浩浩

九圍之

道民無德而稱滔滔六合

禹無間然矣

滄陽西面古跡重興雲嶺巖前金園再建魏峩突

砥插霄漢以廷廷登峻峻增掩蓮宮之鬱鬱桐禪解闕

之虎窠穴仍多賢良造化之基器用不少凡施功力
叶神聰永彼元規如蒙聖助無私善事衆慕如歸利物
深緣易爲成就千門萬戶自捨家財伐木窮山人心不
憚有邑首都維那三人次維那十人悟身若幻生務生
口其構良因二相勉導逐處鄉邑次立維那舉其万法
之門結會千人之數各有名氏鑿之碑餘基我家邦垂
諸善則鄉口稟命動靜咸宜化召信心從風集事繼千
佛之大行踵百福之遐功克荷僧徒捐情聖業筠篁志
氣山岳心田重義輕金守公奉
法歲寒如一運

順始終建碑勒名以彰成事邑主沙門口口口心化利

上報

皇恩錄彼聖蹤請叙文也沙門

宗仁僧門無藝僑教荒疎自度鈇刀難鑄寶玉豈將瓦
礫連布瓊瑤煩垂雅命堅令撰修兌之既難實錄前志
彼之 □□□□所冀殊禎絕瑞万代長存

巨福良因千年不泯更顯前事章句頌焉 日月遷

照 乾覆坤維 四時列序 万象咸宜 去彼取此

昭德塞違 天地之心 聖人則□ □□□□

東魏仁君 一匡天下 八表咸賓 稠禪是敬 悟

法情忻 金田勅造 寶輦勤勤 二化緣有盡 聖道

多門 或隱或顯 有去有存 匪真設像 貪福渎

□ □ □ □ □ 福利後 □ □ 一僧堅操 二利俱陳

深山守道 古寺求真 心猿息慮 苦節於身

嚴密作伴 虎豹爲隣 四三業障重 六賊爲親 勤

修十善 遠劫良 □ □ □ □ □ □ 出沉輪 巨善

邑會 日用日新 五

大唐天成四年歲次己丑九月九日建

竭忠建策興復功臣安國軍節度使邢洺磁等州觀

察處置使金紫光祿大夫檢校司徒使持節邢州諸

軍事守邢州刺史兼御史大夫上柱

下缺

安國軍節度行軍司馬金紫光祿大夫檢校尚書左

傑射兼御史大夫上柱國李從信

安國軍節度副使銀青光祿大夫檢校工部尚書

下缺

金紫光祿大夫檢校工部尚書守磁州刺史兼御

口上柱國安

安國軍節度押衙充三州諸軍馬步使銀

下缺

口紫光祿大夫檢校司徒前守河東左右廂步軍指

揮使二州都招討使澶州防禦使楊劉鎮馬步軍都

指揮使瓦橋關指揮使

下缺

安國軍節度判官朝議郎檢校尚書金部員外郎賜

紫金魚袋李瓊

邢洺磁等州觀察判官朝議郎檢校

下缺

節度掌書記將仕郎誠大理評事兼察御史張非

節度押衙知客銀青光祿大夫檢校工部尚書兼御

史大夫柱國杜□

□州軍事判官將仕郎誠大理評事徐處凝

登仕郎守磁州錄事參軍劉鐸丘

朝散大夫□磁州武定縣令誠

下缺

□□□□□當武安鎮務馬賓

節度押衙前守武安鎮使銀青光祿大夫檢校工部

尚書兼御史

下缺

□□□□□□左忠順指揮使銀青光祿大夫檢校工部尚書兼御史大夫柱國馮□

□義軍節度押

下缺

□□□□□□□轉受捉生指揮使銀青光祿大

夫檢校太子賓客殿中侍御柱國

下缺

□□□□□□□使銀青光祿大夫檢校左散騎

常侍兼殿中侍御上柱國

下缺

□□□□□□□兵馬使銀青光祿大夫檢校太子

賓客監察柱國張□

□□□□□□□銀青光祿大夫檢校工部尚書

兼御史大夫

下缺

重修古定晉禪院千佛邑碑天成四年九月立釋道
清撰俗名透影碑下半毀損有云東魏黃初二年高
歡帝所造也以曹魏年號爲元魏未審何以謬誤至
此又云雜集異記云云按太平御覽引談薮曰北齊
高祖多殺戮有禪師者以業行著稱云云豈卽其
人與中山經云虎首之山多苴桐楮郭璞注桐未詳
也說文桐木也而見于此終不知何木

中州金石記

碑下截已斷缺中言定晉禪院以同光元年七月起
功至天成元年九月落成又言收得道具數件乃是

桐禪師口僧所用之物有單梯一條坐禪棚一所椅子一隻蓋一頂案咳餘業攷引丁晉公談錄寶儀雕起花椅子二以備右丞及太夫人同坐王銍然記李後主人宋後徐鉉見李取椅子相待以爲始自宋初不知後唐時已有此坐具矣

授堂金石跋

按碑前半稍有剝落不可盡讀有云東魏黃初三年高歡帝所造也黃初乃魏文帝年號東魏亦無以黃初紀元者釋藏之書所紀事蹟往往得諸傳聞故舛謬頗衆碑又引雜集異記云云檢唐書藝文志雜家類有集異記三卷薛用弱撰用弱字中

勝長慶中光州刺史碑所引疑卽此書碑後半詳

記修造始末繼以銘詞年月後題名者二十人首

行稱竭忠建策興復功臣安國軍節度使邢洺磁

等州觀察處置使金紫光祿大夫檢校司徒使持

節邢州諸軍事守邢州刺史兼御史大夫上柱

下

其名已缺以史攷之乃符存審也舊史存審傳天

祐九年以功遙領邢洺磁團練使十三年二月劉

鄒自莘悉衆來襲我魏州存審以大軍踵其後戰

於故元城大敗汴人從收澶衛磁洺等州秋邢州

間竇降授存審安國軍節度使邢洺磁等州觀察

使其歷官皆與碑合是年十月授存審檢校太傅
橫海軍節度使兼領魏博馬步軍都指揮使明年
就加平章事以後歷官內外蕃漢馬步揔管又以
功加檢校太傅兼侍中又以本官充幽州盧龍節
度使同光初加開府儀同三司檢校太師中書令
碑皆不及則知所載銜名皆在天祐十三年以前
碑立于天成四年九月而云同光元年起功至天
成元年院成同光元年距天祐十三年尙隔七年
蓋其時創議修建地方達官已與聞其事至院成
立碑方追題其姓氏不書現官者從其朔耳又存

審傳稱同光初賜號忠烈扶天啓運功臣碑題竭
忠建策興復功臣則亦天祐中先賜之號足補兩
史所略存審之後題名可見者李從信李瓊徐處
凝劉宏邱馬實五人皆無史傳可攷餘十四人或
僅存其姓或并姓名俱蝕爲可惜也

賜長興萬壽禪院碑

石高四尺廣三尺十行行十字
十一字不等正書在鳳翔府

中書門下 陳鳳翔觀察使

興元節度使張虔釗奏薦詩峯禪院乞賜院額

陳奉

金石錄卷一百九十一
一
聖
勅宜賜長興萬壽禪院爲額

牒至准

勅故牒

長興三年九月三日 牒

門下侍郎平章事李

右僕射兼門下侍郎平章事

按是牒頒于長興三年九月刻朱鳳翔府停廢寺院牒之下載張虔劄邈州人舊五代史本傳云長興中爲山南西道節度使兼西面馬部軍都部署碑稱興元節度使則虔劄奏薦青峯禪院乞賜院

額卽在長興初矣末題門下侍郎平章事李者李
愚也愚以是年八月丙寅由宰臣爲門下侍郎同
平章事監修國史見明宗本紀

張希崇華嶽題名

題名四行字數不等
正書左行在華嶽廟

張希崇下闕春歸闕時清

恭二年歲次乙未十月二十

三日固謁 清廟乃畱是題

按是題在崔伯恭題名之右首行張希崇以下殘
闕舊史希崇傳云希崇少通左氏春秋復癖於吟
咏天祐中依劉守光爲裨將後隸周德威麾下守

平州爲案巴堅所略詢希崇知爲儒人因授元帥
府判官後遷盧龍軍行軍司馬繼改蕃漢都提舉
使天成初爲平州節度使尋以管內生口二萬餘
南歸唐明宗嘉之授汝州防禦使歷二年遷靈州
兩使畱後告諭邊土廣務屯田歲餘軍食大濟璽
書褒之因正授旌節清泰中希崇歿其雜俗頻表
請覲詔許之云云此刻稱歸闕時清泰二年十月
固謁清廟乃畱是題必由靈州歸闕時所題也

贈張繼祚勅

碑高五尺八寸廣三尺六寸
九行行九字行書在偃師縣

勅張繼祚朕以故齊王早推德望備著勲庸久綏河洛
之人再造澗漚之地遍兼近鎮咸播休聲存旣著於山
河設宜刊於金石今差翰林待詔張璠宣賜神道碑銘
便令書石故茲示諭想宜知悉春暄汝口口否

按碑石舊有拓本近埋淤土中始命役夫出之已斷
爲二矣全義守河南三十年史稱其披荆棘勸耕殖
躬載酒食勞民畎畝之間築南北二城以居之數年
人物完盛民甚賴之今勅所云久綏河洛再造澗漚
信非誣也勅以賜全義子繼祚蓋宣示神道碑銘而
通志遂以碑額卽爲繼祚故具錄以正訛

優師金石
遺文記